

# FERDAMENN I VESTERVEG

EI FERD FRÅ EID TIL KJØPSTADEN «SKIRINGSSAL» (KAUPANG) I VESTFOLD

- (1) (2 takter) Tunge tak, men stutte steg.  
Tause menn ved årer.  
Stormen slær og draugen dreg.  
Ferdamenn i vesterveg.  
Sveitte, blod og tårer.
- (2) (2 takter) Ferda gjekk til Skiringssal.  
Heim att slit vi ille.  
Tenk deg kai ved hanegal,  
mat og mjød i høg pokal  
og ei frodig frille!
- (3)  
Vi lasta kjørle og kar og tønner / med alt vi sysler av ting og kram,  
og det er ferdane som seg lønner, / om berre ferdane kjem seg fram.  
Og der i kaupangen sør i leia / ligg verda open med gagn og gru!  
Vi kom frå havet som oskoreia / og vi var kongar i dagar sju!  
Kom hit og kvede, kom hit og danse! / Kom med som lauskar med møy og mjød!  
Og slik ei urkraft kan ingen stanse / før Odin melder den visse død.
- (4) (2 takter) Skyene i syningom  
svartnar stygt der framme.  
Havet piskar brott og skum.  
Tor har inntatt himlens rom,  
hamrar drønn og flamme!
- (5) (2 takter) Sjå! Sjå måsen kjem frå land!  
Høyr dei ilske skrika!  
Mot og krefter stig i mann,  
skipet glir mot heimstrand  
trygt i inste vika.
- (6)  
Vi kjem med skattar frå søre stroka, / små fargesteinar og gilde kle,  
og bjørneskinn og ei møy vi råka; / ho hadde ingen, vi tok ho med!  
Vi svor mot tora og trassa lynet / og valde leia der ingen var;  
det finnast hav attom himmelbrynet, / og ukjend lende i alle får.  
Kom hit og kvede, kom hit og danse! / Kom med som lauskar med møy og mjød!  
Og slik ei urkraft kan ingen stanse / før Odin melder den visse død.
- (7) (2 takter) Heimen er ein heilag hall,  
frendars leir og loge.  
Rettferd sigrar, seier skald,  
dei som aktar arv og kall  
byggjer ætt og soge.

© FREDDIE LANGRIND 2013

